

٢٧- هو إني أحس بإحباط ده معناه إني ضعيف وإيماني

ضعيف؟؟

(الَّذِينَ اسْتَجَابُوا لِلَّهِ وَالرَّسُولِ مِنْ بَعْدِ مَا أَصَابَهُمُ الْقَرْحُ
لِلَّذِينَ أَحْسَنُوا مِنْهُمْ وَاتَّقُوا أَجْرٌ عَظِيمٌ)

القرآن أروع ما فيه واقعيته!

الآية دي نزلت بعد هزيمة المسلمين في غزوة أحد ..

(كانوا محبطين) برغم إن فيهم رسول الله .. لكنها مشاعر

إنسانيه طبيعيه!

سيدنا محمد عليه الصلاة والسلام طلب منهم التحرك
علشان مينتشرش إنهم مكسورين فيكونوا عرضة للغزو من القبائل
وعشان ميسيبيهمش في حالة الإنكسار..

فبرغم إحباطهم وأوجاعهم وآلامهم ، إستجابوا لله وللرسول..

فنزلت فيهم الآية ..

يعني دي منزله تانيه وكبيره عند ربنا ، إن يكون عندك القدره
تقف على رجلك تاني بعد ما يصيبك الحزن والألم ،واللي تقدر
عليه وقتها من إحسان وتقوى ..لك أجر عظيم ..

ممکن تكون بتشوف في حياتك آلام وإحباطات تتخيل إنها

فوق قدراتك وتوصلك لليأس ..

إفكر وقتها حاجتين :

١ . إحباطك ده أكيد مش أكثر من إحباط المسلمين وقت هزيمتهم ومعاهم رسول الله ، إحساسهم إيه البشري وقتها؟! معانا رسول الله ومنتهم لو من غيره هيجصلنا إيه ! ومع ذلك تغلبوا واستجابوا للرسول ..

٢ . إن العمر بيعدي ومن عدل الله مش هيجاسبنا على النتائج هيجاسبنا على السعي وعلى التقوى في السعي، وهو ده الإمتحان إللي فيه كل المحكات ..

الصبر والرضا والهمه والثبات والتقبل واليقين والثقه بالله .. محكات مش سهله أبداً وعدم توفرها مش معناها ضعفك .. هو الموضوع مش بسيط وإلا مكنتش نزلت فيه آية!

لكن محتاج مجاهده ومتطولش في الحاله ..

إبدأ .. الوقت بيعدي ومش ناقص كثير ..

ظبط نفسك الأول وإستعيدها .. وهتقدر تظبط كل حاجه تانية بعد كده والصعب أوي هيعدي بمنتهى الأيسر.



٢٨- يعني إيه (لَّا تَجْعَلْ مَعَ اللَّهِ إِلَهًا آخَرَ) .. عارف إنك بتشرك مع الله وأنت فاكر إنك أبعد ما يكون عن ده ؟!

الآيه نازله للكفار والمقصود بإله آخر هم الأصنام!

ده المعنى المحفور جوانا ، لكن المعنى أشمل من كده بكتير ..

زي إيه ؟ هنتكلم في حاله بنمر بيها كلنا .. هتفهم منها يعني إيه المقصود من إله آخر:

عارف لحظة الإنهيار إللي بتمر عليك لما تلاقي نفسك ضيعت مجهودك وطاقتك وعمرك علشان ترضيهم .. ومبيرضوش!

وياريت كده وبس .. دول إتقلبوا عليك كمان وشايفين أسوأ ما فيك !

بجد .. ده نتيجة طبيعیه ومش إنت لوحدك إللي حصلك كده، ده سمه عامه وشكوى مشتركه ..

ومش علشان الناس بقت وحشه !!

ولا الحكايه مجرد جحود وشر ..

ولا علشان انت الطيب الغلبان إللي صعب حد يفهمه ويقدره ..

الحكايه وما فيها :

١- النفس البشريه معقده جداً ومركبه جداً ومُتغيره جداً .. فمهما حاولت تفهم الآخر وتستوعب تركيبته وتجارى تغيراته ، ده شبه مستحيل ..

فإن هدفك يتحول لتحدي إنك ترضي الناس .. النتيجة واحده
(فشل تام) وهتخسرهم أكثر وهتخسر نفسك!

٢-هدفك إيه ؟!

ما في ناس بتترضي عادي وبيقدرّوا (بيظمر فيهم المعروف)
إشمعنى ؟؟

صح .. وتتشال فوق راسهم كمان وإنك معملتش عشر إللي
غيرك عمله ومتقدرتش !

الفرق مهم أوي :

الفرق هو الهدف .. أنا هدي في إيه ؟

هل هو رضا ربنا؟ ومن ضمن تطبيقات رضا الله ،التعامل
بالحسنى مع الناس ؟!

وده فرق شاسع يحول مجرى حياتك ..

لما بتكون مركزيتك الله .. فإنت بتتعامل بإستغناء .. مش
مستتي حاجه من حد ..أيوه إحتياج طبيعى إنك تتقدر وتتشكر ،
لكن لما يكون التقدير والشكر أمر مُكْمَل وإضافه .. غير ما يكون
أساس من غيره تنهار!

غير إن طاقة الإستغناء بتوصل بتوصل للآخر .. لما بتكون
حقيقيه ومن قلبك ، وده طاقه جاذبه جداً ..

إستغناء بالله مش تُقل وتجاهل !

غير حازه مهمه .. وإنت مستغني بالله بتعرف حقوقك
وحقوق غيرك ، مش بتدوس على نفسك علشان الناس ، فلا
بتظلم نفسك ولا بتظلم غيرك ..

لكن في الأول .. إنت مستمتع بظلمك لنفسك وفاكرها تضحيه
وشطاره !

كل إللي إتقال ده الرد عليه بالآيه ..

(لَا تَجْعَلْ مَعَ اللَّهِ إِلَهًا آخَرَ فَتَقْعُدَ مَذْمُومًا مَّخْذُولًا)

إله آخر مش يعني صنم .. يعني أي شئ تحطه في منافسه مع
الله للأسف وإنت مش حاسس .. أي شئ بتستمد منه الأساس إللي
مفروض تستمده من ربك .. النتيجة هتكون : مذموماً مخذولاً !

والبدايه : إعرف ربنا مش تعبه وبس ..

وأول شئ إنت محتاج تعرفه عن الله :

(قُلْ هُوَ اللَّهُ أَحَدٌ)

الكلمتين دول بس (الله أحد) لو قدرت تدركهم .. فإن
أدركت سر من الأسرار إللي تحلل كل عقدك ومشاكلك !

إيه هو السر ؟؟؟

(التحرر)

عارف يعني إيه تتحرر ؟! يعني هتشيل جبال من على قلبك !
جبل الخوف .. جبل التعلق .. جبل رأي الناس .. جبل شكلي
وصورتي .. جبل الإحتياج .. جبل اليأس .. جبل الإحباط
والله إحنا مش مدركين يعني إيه توحيد ، وكلنا إلا من رحم
ربي بنشرك مع الله !

فعايشيين مذلولين .. منتظرين .. خايفين .. بندور طول
الوقت على حاجه مش عارفينها !
صدقني الحاجه دي هي : التحرر

(لَا تَجْعَلْ مَعَ اللَّهِ إِلَهًا آخَرَ فَتَقْعُدَ مَذْمُومًا مَّخْذُولًا)

الخلاصه :

(مَنْ كَانَ يُرِيدُ الْعِزَّةَ فَلِلَّهِ الْعِزَّةُ جَمِيعًا)

عيش عزيز .. مستغني بالله .. متظلمش نفسك .. قدر
نفسك ..

عيشوا أحرار!

